



Centro Nacional Chega! I.P

Da Memória à Esperança



KOMUNIKADU IMPRENSA

Centro Chega! I.P Asina Ona Nota Entendementu Ho UNITAL Hodi Integra Modulu Chega! Iha Kurikulu.

Dili – (11 Julu 2025), Centro Nacional Chega! I.P asina ona Nota Entendementu (NE)/*Memorandum of Understanding (MoU)* ho Universidade Oriental Timor Lorosa'e (UNITAL) atu hametin kooperasaun servisu iha área edukasaun. Serimonia ofisializasaun NE ne'ebé realiza iha edifisiu Centro Chega! I.P, Antigo Comarca Balide, iha âmbito Selebrasaun Aniversáriu Centro Nacional Chega! I.P ba dala-8 no Festivál Kultura Rezisténsia Populár ba dala-5 ho tema “Memória Koletiva Dalan ba Rekonsiliasaun”.

Dokumentu ofisial ne'e, asina husi Diretór Ezekutivu Centro Nacional Chega! I.P, Hugo Maria Fernandes ho Reitór Universidade Oriental Timor Lorosa'e (UNITAL), Dr. Claudino Ninas Nabais, Ph.D.

Objetivu prinsipal husi NE, mak atu estabese kolaborasaun hodi integra Modulu Chega! iha kurrikulu edukasaun ba dame iha UNITAL. Estabese kolaborasaun hodi hadi'ak kualidade edukasaun iha área Edukasaun ba Dame, liu-liu kolaborasaun iha área Metodolojia Hanorin. Estabese kolaborasaun hodi involve profesor UNITAL iha formasaun ne'ebé facilita husi Centro Chega! I.P. Estabese koordenasaun regulár hodi realiza atividade extra-kurrikular hanesan semináriu, palestra, konferensia no visita sítiu istóriu sira no mos partisipa atividade sira seluk ne'ebé parte rua dezenvolve.

NE foka ba área kooperasaun servisu hanesan, kolabora hodi fahe ba malu koñesementu no experiensia kona-ba metodolojia hanorin no kurikulu kona-ba Edukasaun ba Dame, Istória, Direitus Umanus no Justisa Tranzisional nian. Kolabora hodi aseguira partisipasaun profesor husi UNITAL iha formasaun kona-ba Modulu Chega!. Kolabora hodi organiza atividade hanesan semináriu, palestra, konferensia no atividade sira seluk ne'ebé instituisaun rua ne'e organiza.

Implementasaun akordu NE teknikamente sei regula iha akordu kooperasaun ketak ida ne'ebé sei halo entre parte rua nu'udar baze ba NE. DurasauN NE validu ba tinan 3 hahú husi loron ne'ebé parte rua asina. NE bele hanaruk nia tempu, bele muda ka hafoun ninia konteudu tuir nesesidade no bele mos hakotu liu husi akordu eskritu husi parte rua.

Konteudu husi NE esplika mos kona-ba ajustamentu ka alterasaun ruma ba NE, presija ho atensaun nafatin ba pontu sira no prinsípiu sira ne'ebé konkorda tiha ona. Wainhira parte ida husi parte sira hakarak atu muda, hanaruk ka hakotu NE ida ne'e, mak parte interesadu sira iha obrigasaun atu fo hatene fulan tolu, molok halo alterasaun ka mudansa ruma.

Konsiderasaun Centro Chega! I.P ho UNITAL

Konsiderasaun: Tuir Misaun CNC! I.P mak promove implementasaun rekomendasoens sira husi relatóriu Chega! husi Comissão de Acolhimento, Verdade e Reconciliação (CAVR) relativas ho

institucionalizasaun memória no promosaun direitos umanus atraves edukasaun, formasaun no solidariedade ba sobreviventes mais vulneraveis husi violasaun direitos umanus, nune'e mos promove implementasaun rekomendasaens komuns entre CAVR no Comissão de Verdade e Amizade (CVA) kona-ba Reparasaun, Memorializasaun, estabelesementu Sentru Nasionál Memória, Pesquisa no Aprendizajen tuir kna'ar no mandatu ne'ebé hatur ona iha dekrteu lei 48/2016, artigo 7. *Colaboração com outras Entidades*, temi iha número 3) no junta hamutuk ho artigo 6." *Competências*, espesifika iha alinea b) no j) husi lejislasaun ida ne'e, ne ebé aprova Estatuto husi CNC! I.P.

Konsiderasaun: Despacho Ministerial no.164/ANAAA-MESCC/XI/2019, Ministério Ensino Superior Ciência e Cultura fo Lisensiamentu Operasional ba Universidade Oriental Timor Lorosa'e (UNITAL) hanesan estabelesimentu ensino superior privadu, ho tipu Instituto Universitariu liu husi despacho Ministerial no. 73/2019, Universidade Oriental Timor Lorosa'e (UNITAL) hanesan Universidade privada husi institui'saun ensinu superior ne'ebé hari'i husi Fundasaun Oriental Timor Lorosa'e (FORTIL). Universidade sai sentru aprendizajen ida hodi forma Timoroan sira hotu atu sai rekursu humanu ne'ebé qualidade, profisional, integridade, inklusiva, onestidade, lealdade, responsabilidade, trasformativu, ho hanoin ne'ebé inovativu atu responde ba desenvolvimentu nasaun nian.

- Remata -

Ba informasaun liu tan kontaktu:

Raimundo Sarmento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabesele ho dekretu Lei nº. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória pasadu nian, moris iha dame, no respeitu ba direitos umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove direitos no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".